



POLICIJSKA STANICA KAKANJ

Broj: 08-04/10-2-07-4-2413 /19.

Datum: 02.04.2019.godine.

OPĆINA KAKANJ
Općinsko vijeće
Kolegij Općinskog vijeća

PREDMET: INFORMACIJA, dostavlja se.-

VEZA: Vaš akt broj. 01/1-28-K-84/19. od 20.03.2019 godine

Postupajući po Vašem aktu broj i datum veze, obaviještavamo Vas da je Policijska stanica Kakanj od mještana ulice Almira Hasagića u više navrata pismenim putem obavještena da isti imaju problem sa kretanjem vozila i motocikala većom brzinom od dozvoljene, kojom prilikom isti ugrožavaju bezbjednost pješaka, kao i djece koja se kreću po kolovozu prilikom odlaska i dolaska iz OŠ 15 April u mjestu Doboj.

Po prijemu navedenih zahtjeva Policijska stanica Kakanj je poduzela mjere i radnje iz svoje nadležnosti, kojom prilikom je pojačano prisustvo policijskih službenika u navedenoj ulici, a svakodnevno patrolnim nalogom su određene pozicije saobraćajnim patrolama koji vrše preventivno kao i represivno djelovanje prema učesnicima u saobraćaju, na sankcionisanju svih uočenih prekršaja.

Takođe rasporedom rada određuju se pozicije i laserskog uređaja za mjerenje brzine "TRUCAM", u navedenoj ulici kako bi se vršilo sankcionisanje vozača koji prekoračuju dozvoljenu brzinu. U narednom periodu dolaskom lijepših dana za očekivati je pojačanu frekvenciju mopeda i motocikala u navedenoj ulici, a što će biti predviđeno rasporedom rada Policijske stanice Kakanj, kojom prilikom će policijski službenik na motociklu svakodnevno vršiti sankcionisanje svih uočenih prekršaja u navedenoj ulici.

Obaviještavamo Vas da smo sa svakim zaprimljenim zahtjevom mještana navedene ulice, obaviještavali Općinsku službu za privredu urbanizam i zaštitu čovjekove okoline sa izraženim problemima mještana navedene ulice, te smo istim sugerisali da izvrše obilazak navedene ulice, kako bi otkloni uočene nedostatke, te izvršili postavljanje horizontalne i vertikalne signalizacije, kao i znakova ograničenja brzine, a takođe smo istim sugerisali da planiraju izgradnju trotoara za pješake, u cilju bezbjednog odvijanja saobraćaja u navedenoj ulici.

S poštovanjem.

SJ/

